

Акафист

**Воскресению
Христову**

Конда́к 1:

Возбра́нный Воево́до, Го́споди Небесе́ и земли́,/ побéдно благода́рственное пéние прино́сим Тебе́, раби́ Твои́,/ во ад ны́не сше́дшему и с Собо́ю вся воскреси́вшему,/ и на́ше избавле́ние пра́зднующе, свéтло вопи́ем://

Христос воскресе́ из ме́ртвых, сме́ртию смерть попра́в и су́щим во гробе́х живо́т дарова́в.

И́кос 1:

Ангел Госпо́день, в ве́чер суббо́тний в тру́се ве́лии соше́д с Небесе́, отвали́ ка́мень от двéрий грóба Иису́сова и сидя́ще на нем. От стра́ха его́ сотрясо́шася стрегу́щии и бы́ша я́ко ме́ртви. Мы же Воскреси́вшему Живо́му Бо́гу с мирно́сицами покланя́емся и Па́сху та́йную благовеству́ем, вопи́юще:

Христос воскресе́, и кня́зи а́дстии падо́ша.

Христос воскресе́, и устраши́шася врати́цы а́довы.

Христос воскресе́, и сокруши́шася врата́ ме́дная.

Христос воскресе́, и тверды́ни а́довы положи́шася в запусте́ние.

Христос воскресе́, и смерть рыда́ет.

Христос воскресе́, и ад, стена́, вопи́ет:

Христос воскресе́ из ме́ртвых, сме́ртию смерть попра́в и су́щим во гробе́х живо́т дарова́в.

Конда́к 2:

Ви́дяще Ма́рїя Магдали́на, и Ма́рїя Иа́ковля, и Саломі́я ю́ношу во грóбе Иису́сове, одéяна во одéжду белú и седя́ща в десны́х, ужасóшася. Он же глаго́ла к ним: «Иисúса Распя́таго и́щете? Несть зде, воста́ бо, я́коже рече́. Прииді́те, ви́дите ме́сто, иде́же лежа́ Госпо́дь, и ско́ро шéдше рцы́те ученико́м Егó:

Христóс воскрéсе из мёртвых, смёртию смерть попра́в и сúщим во гробéх живóт дарова́в».

И́кос 2:

Разум неразумевáемый разумéти и́щуще, Петр и другі́й учени́к течáста ко грóбу и, вшéдше в' онь, ви́деша рíзы едíны лежа́ща и судáрь, и́же бе на главé Иису́сове, не с рíзами лежа́щъ, но осóбъ свит на едíнем ме́сте, véровавшие же, возопíша с весéлием:

Христóс воскрéсе, и вся тварь ра́дуется.

Христóс воскрéсе, Небеса́ да веселя́тся.

Христóс воскрéсе, и сликовствúют нам А́нгели.

Христóс воскрéсе, и просветíшася преиспóдня.

Христóс воскрéсе, восклі́кнем с весéлием, от смёрти спасéннии.

Пойте же Гóсподеви вся земля́:

Христóс воскрéсе из мёртвых, смёртию смерть попра́в и сúщим во гробéх живóт дарова́в.

Конда́к 3:

Силою свѣше облече́ Господь Своя́ ученики́ по Воскресе́нии. Тѣи же идо́ша в Галилею, в го́ру, а́може повеле́ им Иису́с, и прише́дшим им глаго́ла Иису́с: «Дадѣся Ми вся́ка вла́сть на Небеси́ и на землі́. Шѣдше ўбо, научі́те вся́ язы́ки, крестя́ще их во і́мя Отца́ и Сы́на и Свята́го Ду́ха, уча́ще их блюсти́ вся, елі́ка заповѣ́дах вам». Тѣи же поклоні́шася Е́му, зову́ще:

Христосъ воскресе́ из ме́ртвых, сме́ртию смерть попра́в и су́щим во гробѣ́х живо́т дарова́в.

Їкос 3:

Иму́щи в се́рдце своѣ́м любо́вь к Учи́телю, Мари́я Магдали́на стоя́ще у гроба́ вне, плачу́щи, и Воста́вшаго из ме́ртвых ви́дящи, я́ко вертогра́даря, вопроша́ше: «А́ще Ты еси́ взял Его́, пове́ждь ми, где еси́ положи́л Его́, и аз возьму́ Его́». Оба́че, па́че ча́яния, слы́шавши: «Мари́е, восхожду́ ко Отцу́ Моему́ и Отцу́ ва́шему и Бо́гу Моему́ и Бо́гу ва́шему», при́иде ко ученико́м, глаго́лющи:

Христосъ воскресе́, и жа́ло грехо́вное притупи́ся.

Христосъ воскресе́, и мир от пото́па грехо́внаго спасе́ся.

Христосъ воскресе́, и мы от рабо́ты врагу́ свободи́хомся.

Христосъ воскресе́, и диа́воле прельще́ние упраздни́ся.

Христосъ воскресе́, и бѣ́вшее на нас рукописа́ние загла́дися.

Христосъ воскресе́, и вся тварь обнові́ся, зову́щи:

Христосъ воскресе́ из ме́ртвых, сме́ртию смерть попра́в и су́щим во гробѣ́х живо́т дарова́в.

Конда́к 4:

Бу́рю помышле́ний сумни́тельных внутрь имѣя, Фома́ ученико́м, глаго́лющим, я́ко ви́дехом Го́спода, рече́ им: «А́ще не уви́жу на руку́ Его́ я́звы гвозди́ныя и вложу́ перста́ моего́ в я́звы гвозди́ныя, и вложу́ ру́ку в ре́бра Его́, не иму́ ве́ры», но, уве́рився, с весе́лием возопи́:

Христосъ воскресе́ из ме́ртвых, сме́ртию сме́рть попра́в и су́щим во гробѣхъ живо́т дарова́в.

И́кос 4:

Слы́шав Фома́ учени́к, ви́девших Го́спода, и очима́ свои́ма хотя́й Того́ зрѣти, рече́: «Не иму́ ве́ры». По днехъ же осьми́х при́иде Иисусъ затворѣ́нным двѣремъ, ста посреде́ учени́к и глаго́ла Фомѣ́: «Принеси́ перст твой се́мо, и виждь ру́це Мои́, и принеси́ ру́ку твою́, и вложи́ в ре́бра Моя́: и не бу́ди неве́рен, но ве́рен». И отве́ща Фома́, и рече́:

Христосъ воскресе́, Ты еси́ Госпо́дь мой.

Христосъ воскресе́, Ты еси́ Бог мой.

Христосъ воскресе́, и вси нетле́ние и жизнь восприя́хом.

Христосъ воскресе́, и ме́ртвии воста́ша.

Христосъ воскресе́, и изба́вихомся осужде́ния и му́ки.

Христосъ воскресе́, и жизнь из гроба́ возсия́ ми́рови пою́щему:

Христосъ воскресе́ из ме́ртвых, сме́ртию сме́рть попра́в и су́щим во гробѣхъ живо́т дарова́в.

Конда́к 5:

Божества́ огнём не опали́ся Фома́, ре́бро Спа́сово дерзнове́нно осяза́в. Па́че же просвети́ся, Бо́га, на спасе́ние на́ше воплоти́вшася и па́ки с плоти́ю воскресе́шаго, позна́в. Те́мже неведе́ем своимъ блаже́нный близне́ц церкóвную ве́ру утвержда́ет, ю́же испове́дующе согла́сно вопие́м:

Христóс воскресе́ из ме́ртвых, сме́ртию смерть попра́в и су́щим во гробéх живóт дарова́в.

И́кос 5:

Видевше Иисúса воскресе́ша, ученицы́ убо́яхуся, мня́ще дух ви́дети. Иисúс же, хотя́ уве́рити их, показа́ им ру́це и но́зе и ре́бра Сво́я, та́же ры́бы печены́ часть прие́м и от пчел сот пред ни́ми яде. Тем уве́рившеся и страх свой и печа́ль свою́ отложи́вше, в ра́дости по́яху:

Христóс воскресе́, ху́ждшая восприи́м, и подаде́ нам лу́чшая.

Христóс воскресе́, и ад умертви́ся блиста́нием Божества́ Его́.

Христóс воскресе́, и тьма разруши́ся, и мра́чнии де́мони отгна́шася.

Христóс воскресе́, и истле́вшее страстьми́ челове́ческое естество́ обнови́ся.

Христóс воскресе́, и беззако́ния на́ша ту́не очи́стишася.

Христóс воскресе́, и мы ве́и, в нетле́ние облéкшеся, песнь сию́ Ему́ прино́сим:

Христóс воскресе́ из ме́ртвых, сме́ртию смерть попра́в и су́щим во гробéх живóт дарова́в.

Конда́к 6:

Пропове́дники по Воскресе́нии Твоём в мир посыла́я, богоно́сныя апо́столы Тво́я, Христе́, рекл еси́ им, дунув: «Приимите́ Дух Свят. Ёмже отпу́стите грехи́, отпу́стятся им; и ёмже держите́, держа́тся». Те́мже да́ждь и до днесь во всем ми́ре ча́да церко́вная, от грехо́в разреша́еми, сла́вят непреста́нно Твоё́ милосе́рдие и душа́ми чи́стыми в ра́дости пою́т:

Христос́ воскресе́ из ме́ртвых, сме́ртию смерть попра́в и су́щим во гробёх живо́т дарова́в.

Ёкос 6:

Возсия́л еси́, Христе́, и во мра́чных удо́лиях а́да свет Твоего́ Воскресе́ния, прощё́ние и осла́бу, и избавле́ние благовеств́уя, Многоми́лостиве, душа́м от ве́ка та́мо содержи́мым. Те́мже от зми́я, человекоуби́йцы, исхища́еми, игра́юще, к све́ту Твоему́ устреми́шася, пою́ще:

Христос́ воскресе́, и у́зы на́ша разтерза́шася.

Христос́ воскресе́, и сень сме́ртная в ве́чную жизнь преложи́ся.

Христос́ воскресе́, и держа́ва сме́рти уже́ не возмо́жет держа́ти челове́ка.

Христос́ воскресе́, и мучи́телева де́рзость низложи́ся.

Христос́ воскресе́, и рай вме́сто а́да жи́ти нам дарова́ся.

Христос́ воскресе́, и мир воспева́ет при́сно:

Христос́ воскресе́ из ме́ртвых, сме́ртию смерть попра́в и су́щим во гробёх живо́т дарова́в.

Конда́к 7:

Хотя́й па́дшему Ада́му послужи́ти, Спа́се наш, на землі́ яви́лся еси́, и на землі́ то́го не обрѣ́т, да́же до а́да низше́л еси́ ища́, да, срѣ́тив Тя до́лу, в преиспо́дних землі́, со все́ми спасе́мыми поѣ́т:

Христосъ́ воскресе́ из ме́ртвых, сме́ртию смерть попра́в и су́щим во гробѣ́х живо́т дарова́в.

И́кос 7:

Новы́я жи́зни нача́ло положи́л еси́ ми́рови, Го́споди, Твои́м сла́вным Воскресе́нием. Ве́тхая бо вся мимоидо́ша: и ад, и смерть, и власти́тельство диа́вола. Свобо́дна у́бо вся тварь познава́ется, и прѣ́жде омраче́ннии, ны́не я́ко сы́нове Бо́жи, ликую́т, пою́ще:

Христосъ́ воскресе́, бе́здну ми́лости и щедро́т излия́в на род наш.

Христосъ́ воскресе́, в ров низпа́дших нас воздви́гнувый с Собо́ю.

Христосъ́ воскресе́, и мы от сетей́ де́монских изба́вихомся.

Христосъ́ воскресе́, и го́рестъ греха́ в сла́дость райския́ жи́зни преложи́ся.

Христосъ́ воскресе́, и дре́вом умерщвлѣ́ннии ожихом.

Христосъ́ воскресе́, и нас возведе́ в прѣ́жнее досто́яние, да зове́м:

Христосъ́ воскресе́ из ме́ртвых, сме́ртию смерть попра́в и су́щим во гробѣ́х живо́т дарова́в.

Конда́к 8:

Стра́нствуя с Клео́пою и Лукóю в весь, отстоя́щую ста́дий шестьдесят от Иерусали́ма, и не по́знан быв́и́ма, поно́сил еси́, Спа́се, неве́рствию их и жестосе́рдию, глаго́ля: «Не сия́ ли подоба́ше пострада́ти Христу́ и вни́ти в сла́ву Свою́?» И, на́чен от Моисе́я и от всех проро́к, научи́л еси́ их пе́ти:

Христóс воскресе́ из ме́ртвых, сме́ртию смерть попра́в и су́щим во гробéх живо́т дарова́в.

И́кос 8:

Всего́ Себе́, Бо́га су́ща и челове́ка соверше́нна, препода́л еси́, Спа́се, двема́ ученико́ма Твои́ма во Еммау́се, егда́ прии́мь хлеб, благослови́л еси́ и, преломи́в, дал еси́́ма. О́нема и отверзо́стеся о́чи, и позна́ста Тебе́, Ты же невиди́мь бысть́и́ма, и реко́ста к себе́:

Христóс воскресе́, и жи́знь воцари́ся.

Христóс воскресе́, и диа́воля лесьть обличи́ся.

Христóс воскресе́, и преста́ же́ртва идо́льская.

Христóс воскресе́, и вся земля́ прино́сит Ему́ же́ртву хвалéния.

Христóс воскресе́, и мы, вкуси́вше дрéвле преслу́шаннаго бра́шна, ны́не вкуша́ем пи́щи ве́чныя.

Христóс воскресе́, и мы ра́дости присносущныя прича́стницы быва́ем, пою́щии:

Христóс воскресе́ из ме́ртвых, сме́ртию смерть попра́в и су́щим во гробéх живо́т дарова́в.

Конда́к 9:

Вси А́нгели, Христе́ Спа́се, твоё Воскресе́ние пою́т на небеса́х. Сподо́би и нас на земли́ чи́стым се́рдцем в весе́лии воспева́ти:

Христос воскресе́ из ме́ртвых, сме́ртию смерть попра́в и су́щим во гробéх живо́т дарова́в.

И́кос 9:

Ветия́ всеми́рный и учи́тель язы́ков Па́вел богоглаго́ливый, я́ко труба́, вопиёт: «Христос воскресе́ от ме́ртвых, Нача́ток воста́ния умерших бысть. Я́коже во Ада́ме вси умира́ют, та́кожде и о Христе́ вси оживу́т». Те́мже Воскресе́ние Христо́во ви́девше, в ра́дости вопие́м:

Христос воскресе́, и князь ми́ра низложися.

Христос воскресе́, и трепещет преиспо́дня.

Христос воскресе́, и смерть пожёрта бысть побéдою.

Христос воскресе́, и ад пленён бысть Того́ держа́вою.

Христос воскресе́, и свободихомся от а́довых неруши́мых уз.

Христос воскресе́, и мы, из нетле́ния изба́вьшися, сы́ны воскресе́ния яви́хомся, и поём:

Христос воскресе́ из ме́ртвых, сме́ртию смерть попра́в и су́щим во гробéх живо́т дарова́в.

Конда́к 10:

Спасти́ хотя́ род челове́ческий от рабо́ты вра́жия, распя́тие и сме́рть претерпе́л еси́, Го́споди, погребён же быв, в тре́тий день от ме́ртвых воста́л еси́. Тем же А́нгел, блиста́йся во гробе́, благовеству́ет жена́м, глаго́ля:

Христос́ воскресе́ из ме́ртвых, сме́ртию сме́рть попра́в и су́щим во гробёх живо́т дарова́в.

И́кос 10:

Тре́тие по Воскресе́нии яви́ся Иису́с на мо́ри Тивериа́дстем ры́бу ловя́щим Си́мону Петро́у, и Фо́ме, и Нафана́илу, и сыно́м Зеведе́евым со и́нема от учени́к Его́ двема́ и, я́ко Влады́ка всех, повелева́ет мре́жу одесную́ страна́ корабля́ воврещи́, и бысть сло́во де́ло вско́ре, и мно́гое рыб мно́жество, и ве́чера страна́ гото́ва на земли́. Ея́ же ны́не мы́сленно наслади́тися и нас сподо́би, Го́споди, пою́щих:

Христос́ воскресе́, и даде́ся Ему́ власть на небеси́ и на земли́.

Христос́ воскресе́, и Ца́рство Бо́жие наста́.

Христос́ воскресе́, и Те́ло Его́, я́ко Хлеб Жи́зни, вси прие́млем.

Христос́ воскресе́, и Кро́ви Его́, я́ко Исто́чника Безсме́ртнаго, вкуша́ем.

Христос́ воскресе́, и Ада́м, свобождён, с на́ми лику́ет.

Христос́ воскресе́, и Е́ва, от уз избавля́ема, раду́ется, зову́щи:

Христос́ воскресе́ из ме́ртвых, сме́ртию сме́рть попра́в и су́щим во гробёх живо́т дарова́в.

Кондак 11:

Пение всеумилённое приношаше Воскрёсшему Тебё, Петр, трищй бо отвёржеса Тебё, трищй же и исповёдуя: «Господи, Ты вся вёси, Ты вёси, яко люблю Тя». Трищй и слышит от Тебё сладчайшее на па́ству па́ки призва́ние: «Паси́ агнцы Моя́, паси́ овцы Моя́». Те́мже и зовет:

Христос воскресе из мёртвых, смёртию смерть попра́в и сущим во гробёх живёт дарова́в.

Икос 11:

Света Подателю, якоже со́лнце, возсия́л еси́ тридне́вно от гроба́ и вся просвети́л еси́ све́том и́стиннаго богопозна́ния. Те́мже сидя́щи во тьме неве́рия и сомне́ния уве́рихомся со апо́стола, яко Господь еси́, и не истязу́ем уже́: «Ты кто еси́?» Но Воскрёсшаго Тя сла́вяще; во умилёнии зове́м:

Христос воскресе, и вся́ческая просвети́ Воскресе́нием Свои́м.

Христос воскресе, и свет вёчный возсия́ во тьме и сёни смёртней сидя́щим.

Христос воскресе, и ве́рным подаде́ та́йно осеня́ющее свы́ше Ду́ха сия́ние.

Христос воскресе, и духо́вная очеса́ прёжде слепы́х отверзо́шася.

Христос воскресе, и мы Отца́ све́тов позна́хом.

Христос воскресе, да посра́мятся вси отвёргшиися Господа́ сла́вы и с нами да воспою́т:

Христос воскресе из мёртвых, смёртию смерть попра́в и сущим во гробёх живёт дарова́в.

Кондак 12:

Благодатию Твоею всякому человеку удобнейший путь спасения указуя, Христэ, глагола еси Симуону Петру: «Егда состареешия, воздежеши рuce твои, и ин тя пошет и ведет, а може не хощеши», назнаменуя, коею смертию прославит Бога. Возлюбленному же ученику повелел еси пребывать, дондеже приидеши. Темже, аще и разлучившеся апостоли, обаче союзом любви связуеми, согласно воспеваху:

Христос воскресе из мертвых, смертию смерть поправ и сущим во гробех живот даровав.

Икос 12:

Поюще Твое тридневное Воскресение, Христэ, радуемся Твоему непреложному обещанию. С нами бо до скончания века быти обещался еси, от всякаго зла нас избавляя и к жизни вечней руководствуя. Сего ради, славяще Тя, вопием:

Христос воскресе, и мы вреда всякаго избавляемся ныне.

Христос воскресе, и нас одесную Отца с Собою посадил есть.

Христос воскресе, и нас причастники вечныя славы Своея содела.

Христос воскресе, и древле сокрушивый праотца сильный враг сокрушися.

Христос воскресе, и со Ангелы мы, прежде отиновеннии, водворяемся.

Христос воскресе, и с Собою вся воскресит, зовущия:

Христос воскресе из мертвых, смертию смерть поправ и сущим во гробех живот даровав.

Конда́к 13. (Три́жды):

О Па́сха ве́лия и священнейшая, Христе́ Иису́се, Спаси́телю наш, благода́рно испове́дуем спаси́тельную вели́кую ми́лость Твою́, я́ко и па́ки сподо́бил еси́ нас, недосто́йных, ны́не вкуси́ти ра́дости Све́тлаго Воскресе́ния Твоего́. Подава́й нам в невече́рнем дни Ца́рствия Твоего́ и́стее и соверше́нное Тебе́, Сладча́йшаго, причаща́тися, да со А́нгелы и все́ми святы́ми во ве́ки веко́в поём вси ра́достно:

Христос воскресе́ из ме́ртвых, сме́ртию смерть попра́в и су́щим во гробе́х живо́т дарова́в.

И́кос 1:

А́нгел Господень, в ве́чер суббо́тний в тру́се ве́лии соше́д с Небесе́, отвали́ ка́мень от двéрий гроба́ Иису́сова и сидя́ще на нем. От стра́ха его́ сотрясо́шася стрегу́щии и бы́ша я́ко ме́ртви. Мы же Воскресшему́ Живо́му Бо́гу с мирно́сицами покланя́емся и Па́сху та́йную благовеству́ем, вопию́ще:

Христос воскресе́, и кня́зи а́дстии падо́ша.

Христос воскресе́, и устраши́шася врати́цы а́довы.

Христос воскресе́, и сокруши́шася врата́ ме́дная.

Христос воскресе́, и тверды́ни а́довы положи́шася в запусте́ние.

Христос воскресе́, и смерть рыда́ет.

Христос воскресе́, и ад, стена́, вопи́ет:

Христос воскресе́ из ме́ртвых, сме́ртию смерть попра́в и су́щим во гробе́х живо́т дарова́в.

Конда́к 1:

Возбра́нный Воево́до, Го́споди Небесе́ и земли́,/ побéдно благода́рственное пéние прино́сим Тебе́, раби́ Твои́,/ во ад ны́не сше́дшему и с Собо́ю вся воскресíвшему,/ и на́ше избавле́ние пра́зднующе, свéтло вопи́ем://

Христос́ воскресе́ из ме́ртвых, сме́ртию сме́рть попра́в и су́щим во гробéх живо́т дарова́в.

Моли́тва Воскрéсшему Спаси́телю:

Сла́ва Тебе́, Го́споди Иису́се Христé, Бо́же мой, я́ко па́ки сподо́бил мя еси́ недосто́йного, прешéдша по́прище свята́го поста́, поклони́тися Божéственным Страсте́м Твои́м и ви́дети всера́достный де́нь пресла́внаго из гроба́ Воскресе́ния Твоего́, во́ньже свободи́л еси́ су́щия во а́де от век связа́нныя ду́ши пра́ведных. То́я Божéственныя свобóды ду́ха и плóти, дража́йший Спаси́телю мой, и аз желаю́, да разреши́ мя, связа́на су́ща мно́гими грехи́, и да сотвори́ши возсия́ти живонóсному свéту Воскресе́ния Твоего́ во мра́чней души́ мое́й: ви́жду бо безчи́сленныя щедро́ты и неизрече́нное человеколю́бие Твое́, я́ко не то́чию от небы́тия в бытиé мя приведе́си, и о́браза Твоего́ подо́бием украси́в, всеядо́льния тва́ри влады́ку поста́вил мя еси́, но и посéм па́дша с высоты́ и врагу́ порабо́тившася, не оста́вил еси́, но, искупи́в мя безце́нною Кро́вию Твое́ю, благода́тию крещéния снабди́л мя еси́, да востеку́ на пéрвое достоя́ние. Аз же, ока́янный, запя́т быв умо́м плотски́м, обрати́хся вспя́ть и па́ки раб сотвори́хся греха́ и страсте́й, до́недеже еди́н по еди́ному погуби́х вся да́ры благода́ти Твоея́. И ны́не у́бо, что сотворю́, не вем: о́баче помяну́в глаго́лы пречи́стых

уст Твои́х, ꙗко не пришёл еси́ призва́ти пра́ведники, но грѣшники в покая́ние, и аз, ꙗко еди́н от сих, с ве́рою и смире́нием прихожду́ к Живоно́сному Грѣбу Твоему́, не арома́ты и воню́ ми́ра нося́й (наг бо есмь и пуст благих дел), но па́че наде́жду имы́й обрести́ в нем прощѣ́ние грехо́м мо́им и обновле́ние нечи́стому жити́ю моему́. При́зри у́бо на мя, ка́ющася и служи́ти Тебе́ хотя́ща, и не отри́ни от благода́ти Воскресе́ния Твоего́! Живоно́сною сме́ртию Твоею́ и погребѣ́нием умертви́ моя́ лю́тыя стра́сти, да ꙗко мертв и погребѣ́н живу́ в ми́ре сем. Пресла́вным воста́нием Твои́м воздви́гни мою́ ду́шу, умерщвле́нную грехи́, и оживи́ со́весть, ея́же ничто́же в ми́ре нужне́йше есть. Вознесе́нием Твои́м отто́ргни мя от сýетных и душетле́нных благ земны́х, и сотвори́ мя го́рняя му́дрствовати, ꙗко да не ктому́ себе́ живя́ и угожда́я, но Тебе́, Го́споду и Бо́гу моему́, служа́ и рабо́тая, ꙗкоже сподо́бихся поклони́тися Воскресе́нию Твоему́ на земли́, та́ко сподобле́н бу́ду ви́дети Тебе́, дража́йшаго Искупи́теля моего́, и на Небеси́, за прия́тие сме́рти крѣстныя сла́вою и че́стию ве́нчанна, и став одесну́ю вели́чества Твоего́, со Арха́нгелы и А́нгелы, и со все́ми иску́пленными Тобо́ю бра́тиями мо́ими, во ве́ки веко́в пою́ Тебе́: Аллилу́иа. **Ами́нь.**

Конда́к Па́схи, Глас 8:

А́ще и во гроб снизше́л еси́, Безсме́ртне,/ но а́дову разруши́л еси́ си́лу,/ и воскрѣсл еси́, ꙗко победитель, Христе́ Бо́же,/ жена́м миронóсицам веща́вый: ра́дуйтесь,/ и Твои́м апо́столом мир да́руяй,// па́дшим пода́й воскресе́ние.

Велича́ние Антипа́схи:

Велича́ем Тя, живода́вче Христе́,/ нас ра́ди во ад сше́дшаго// и с Собо́ю вся воскреси́вшаго.